

Ա. Հ. Արխանյան

ԳԵՎՈՐԳ ԱՆՏՈՆԻ ՀՈՎՍԵՓՅԱՆՑ¹

Հոկտեմբերյան սոցիալիստական մեծ հեղափոխությունից անմիջապես հետո սկսված քաղաքացիական կոիվները իրենց ոլորտի մեջ էին առել ոչ միայն նախկին ցարական Ռուսաստանի ընդարձակ տարածությունները, այլ նրա համար գաղութային շուկաներ հանդիսացող ծայրագավառները, այդ թվում նաև Հյուսիսային Կովկասը: Հյուսիսային Կովկասում կամ նրա սահմանամերձ մարզերում էին կենտրոնացել հակահեղափոխական ցարական զենքերակներն ու կադակական ատամանները, որոնք ցանկանում էին արյան մեջ խեղդել նորաստեղծ սովետական իշխանությունը: Սակայն Հյուսիսային Կովկասի, այդ թվում նաև Կուբանի աշխատավոր մասսաները վճռել էին զենքը ձեռքներին, իրենց արյան գնով պաշտպան կանգնել սեփական պետությունը և թույլ չտալ ցարական գաղազած գայլերին հռչակելու ու խեղդամահ անելու նրան:

Կուբանի բոլոր քաղաքներում, ստանիցաներում, գյուղերում ու խուտորներում 1918 թ. սկզբներին կազմակերպվել էին տեղական սովետներ: Ինչ խոսք, որ Արմավիրը, որը հանդիսանում էր Կուբանի ամենախոշոր արդյունաբերական քաղաքներից մեկը և նրա պրոլետարիատը անցել էր հեղափոխական փառավոր ուղի, ամենից շուտ իրեն հայտարարել էր սովետական: Դա, իհարկե, դուր չէր գալիս Արմավիրի շուրջը բույն դրած հակահեղափոխական կադակությունը, այդ պատճառով էլ համարյա ամբողջ քաղաքացիական կոիվների ընթացքում, ընդհուպ մինչև նրա վախճանը, քաղաքը շատ անգամ ձեռքից-ձեռք է անցել: Բավական է նշել, որ սպիտակներին հաջողվում է շուրս անգամ զավթել Արմավիրը և իրենց դաժան լուծը դնել քաղաքի հեղափոխական պրոլետարիատի ու աշխատավոր բնակչության վրին, սակայն Արմավիրի աշխատավորությունը միշտ էլ զենքը ձեռքին ոտքի է կանգնել ցարական դահիճների դեմ:

Քաղաքի ազատագրման համար մղված մարտերում աչքի ընկնող ծառայություն է մատուցել Թամանյան բանակի հեծյալ գնդի հրամանատար Գևորգ Անտոնի Հովսեփյանցը: Ահա թե ինչ պատմեց ականատես Ասյադյանը, որը այդ ժամանակ աշխատել է Արմավիրի Արտակարգ հանձնաժողովում (Չեկա): «Թամանյան բանակի հեծյալ գունդը կանգնած էր Արմավիրի 2-րդ երկաթուղային կայարանում: Մենք ամենքս այնտեղ հավաքված սպասում էինք կովի սկսվելուն: Հեծյալ գնդին առաջ շարժվելու հրաման էր տալիս Թամանյան բանակի հրամանատար Կյովտուխը: Հերոսին վայել համարձակությամբ թուրը պատյանից դուրս քաշեց ու գլխից վեր բարձրացնելով առաջ սլացավ մեր Հովսեփյանցը»:

¹ Մի հատված «Հյուսիսային Կովկասի հայ գաղթախները» ձեռագիր աշխատությունից: Տեղեկագիր 2—6

Այստեղ չի կարելի մանրամասն կանգ շառնել այն փառավոր սխրագործութիւնների մասին, որոնք կատարել է Գ. Ա. Հովսեփյանցը, սկսած Սև ծովի ասիերից մինչև Կալմիկական ավազուտ տափաստանները, այնտեղից էլ Աստրախան:

1918 թ. գարուն... Ամբողջ Հյուսիսային Կովկասը բոցավառվել էր քաղաքացիական կռիւների հրդեհով:

Արմավիր, անունը հայկական, իսկ ինքը ռուսական արդյունաբերական քաղաք, որի նշանակութիւնը շատ կարեւոր է եղել ոչ միայն Կուրանի, որի թագուհին է, այլև Ռուսաստանի հարավի համար: Քաղաքի շուրջը մոլեգնում էր քաղաքացիական կռիւների ամենաուկուլ փոթորիկը: Այստեղ հն աւաստան գտել Ղարսի շրջանից և Արեւմտյան Հայաստանից գաղթած բնագործի հայեր, որոնք հաղիվ ձողուպրել էին օսմանյան թուրքերի յաթաղանից, ազդրեջանական մուսավաթականների դաշույններից, վրաց մենշիկիւնների մտրակից և ամեն տեսակի ու գույնի հայ մաուզերիստների ալան-թալանից ու հանգրվան գտել ռուս մեծ, եղբայրական ժողովրդի ծոցում: Ըիշտ է, նրանք թեև վերջնականապես փրկվել էին ֆիզիկական բնաջնջումից, սակայն ծայրահեղ կարիքը նրանցից շատ-շատերին գցել է անողորմ մահվան գիրկը. տեղական սովետական իշխանութիւնը կտրված լինելով կենտրոնական կառավարութեան անմիջական նյութական օգնութիւնից, տեղի ունեցող քաղաքացիական կռիւների պատճառով ինքն էլ սարսափելի զրկանքի ու դժվարութիւնների դատապարտված լինելով ի վիճակի չէր նվազագույն չափով բավարարելու նրանց կարիքները: Գաղթականների մեծ մասը իր գոյութիւնը քարշ է տվել բաց երկնքի տակ, իսկ միայն մի փոքր մասն է, որ ապաստան է գտել տեղաւան հարուստների ցորենի պահեստներում:

Ահա այդ տանջված ու սովալլուկ ամբոխի հետ է լինում միջահասակ, լայնաթիկունք, երկաթյա բալուկներով, կամքի անսասան ուժ արտահայտող կայծկիւտուն աչքերով մի երիտասարդ, գլխին դրած փոքրիկ կլորակ կուբանկա, հագին լեռնորդու շերքեղի, ոտքերին երկարաճիտ կոշիկներ ու մեջքից կախ տված կազակի կայծակնացող թուր: Այդ երիտասարդը Գեորգ Անտոնի Հովսեփյանցն էր:

1918 թ. փետրվար-մարտ ամիսներին: Արմավիրի կուսակցական կազմակերպութեան անմիջական ղեկավարութեամբ, քաղաքում կազմակերպվում է հատուկ հեծելազորային էսկադրոն, որի մարտիկների կազմում կային նաև ռուշ թվով գաղթական հայերիտասաւոյններ: Այդ էսկադրոնի հրամանատար է նշանակվում Գ. Ա. Հովսեփյանցը:

«Արմավիրի ջոկատը, որը հետագայում մտավ Թամանյան բանակի կազմի մեջ, ուներ կազմակերպված առանձին հեծելազորային էսկադրոն, որի կազմի մեծ մասը բաղկացած էր հայերից: էսկադրոնի հրամանատարն էր Գ. Ա. Հովսեփյանցը, իսկ նրա թիկնապահը՝ Շահնազարովը»²:

Արմավիրի ջոկատը հանդիսանում էր Հյուսիսային Կովկասի կառմիո բանակի զորամասերից մեկը: Բանակի ղեկավարութեան հրամանի համաձայն ջոկատը անմիջապէս օգնութեան պետք է հասներ Եկատերինոգրի (Կրասնո-

2 Ա. Խ. Ֆեդին, Գ. Հովսեփյանց, հիշողութիւններ, Արմ. գալառագիտ. թանգարան, ձեռագիր, էջ 1, 1964: Ինքը՝ Ֆեդինը եղել է Թամանյան բանակի Պավլոգրադյան զնգի բաղ. կոմիսարը. նույն զնգում հեծելազորային էսկադրոնի հրամանատար է եղել Գ. Ա. Հովսեփյանցը: (Ծանոթ. հեղ.):

դար) կարմիր ղորամասերին, որոնք Դենիկինի ավաղակային բանդաների դեմ անհավասար պայքարի էին դուրս եկել: Հովսեփյանցի էսկադրոնը անմիջապես առաջ սլացավ դեպի Եկատերինոդար: Հետագայում, ռազմական գործողությանն անցնելու հարափոփոխ ղարգացման հետևանքով Հովսեփյանցի էսկադրոնը միանում է Պավլոգրադյան ջոկատի հետ:

1918 թ. ապրիլի վերջերին Պավլոգրադյան ջոկատի հետ միանում են նաև ուրիշ ղորամասեր, ջոկատը վերակազմվում ու դառնում է ղորական խոշոր միավորում և ստանում Պավլոգրադյան դաշտ անունը: «Գունդն ուներ երկու հեծելազորային էսկադրոն, որոնցից մեկի հրամանատարն էր Գ. Ա. Հովսեփյանցը, իսկ մյուսինը՝ Վ. Սողոմովը: Թե Հովսեփյանցը և թե Սողոմովը ընտրվում են զինդի կուսակցական կոմիտեի անդամներ»³:

1918 թ. հունիսին կազմակերպվում է մի նոր պահեստային գունդ, որը պետք է հանդիսանար մի տեսակ ուսվածական դպրոց, որտեղ մարտիկները ռազմական ու քաղաքական պատրաստություն պետք է ձեռք բերեին: Նոր զինդի կազմակերպման պատասխանատվությունը դրվում է Գ. Ա. Հովսեփյանցի և Վ. Սողոմովի վրա, որպես ավելի փորձված ու ավելի հմուտ հրամանատարներ: Սակայն այդ գունդը ի վիճակի չի լինում կատարելու իր դերը: Վրա հասնող անհետաձգելի դեպքերի բերումով անմիջապես նետվում է մարտական գործողությունների ասպարեզը և միանում այն ղորքերի հետ, որոնք Թամանի թերակղզուց առաջ էին շարժվում դեպի Նովորոսիյսկ:

Դեպի Նովորոսիյսկ էին շարժվում նաև Պավլոգրադյան գունդն ու մի շարք այլ ղորամասեր, որոնք Կուբանի արևմտյան ծովափին տեղական մարտեր էին մղել սպիտակ զվարդիական ղորամասերի դեմ: Երբ Թամանում և ընդհանրապես Կուբանի արևմուտքում գործող բոլոր կարմիր ղորամասերը մարտեր մղելով դալիս համախմբվում են Գելինջիկում և այդտեղ 1918 թ. օգոստոսի 27—28-ին կազմակերպվում է Թամանյան լեգենդար կարմիր բանակը: «Թամանյան ղորամասերը, Նովորոսիյսկի գրավումից հետո, մարտեր մղելով հասնում են Գելինջիկ և այդտեղ էլ 1918 թ. օգոստոսի 27—28-ին վերախմբավորման ենթարկվելուց հետո կոչվում են Թամանյան բանակ»⁴:

Այն հայրենիքի պատմության ոսկե գրքում լեգենդար Թամանյան կ. բանակը իր հաղթական երթը սկսել է այն արյունահեղ ճակատամարտով, որը նա մղել է ղրկանքների աշխատանքում, երբ այդ բանակը Գելինջիկից առաջ էր շարժվում դեպի Տուապսե: Գաղաղած թշնամին՝ ներքին հակահեղափոխական սպիտակզվարդիական բանույիտները թե առած թուրքերի, գերմանացիների և վրացական մենշևիկների ցույց տված ռազմական օգնությունից, ցանկանում են Արխիպո-Օսիպովկայի տակ շրջապատել և գլխովին ոչնչացնել Թամանյան բանակը: Թշնամին իրեն համար ընտրել էր չափազանց հարմար ու պաշտպանված դիրք: Նրա լինության տեղանքը, որը ընկած էր Վուլան գետի աջ բարձրագիծ փոխ ու Սև ծովի միջև, իրենից ներկայացնում էր մի հսկայական անդամ (коридор): Առաջ զնալու ուրիշ ճանապարհ կար: Հակառակորդը մինչև վերջը օգտագործել էր իր բարենպաստ տեղանքի բոլոր առավելությունները և ստեղծել բազմաթիվ կրակային կետեր, որոնք կարող էին ոչնչացնել միջանցքով անցնել համարձակվող ամեն մի շնչավոր էակի:

3 Նույն տեղում:

4 Ա. Պ. Գորուշով, Հերոսական երթ (Героический поход) Մոսկվա, Զինհրատ, 1963:

Թամանյան բանակի կարմիր զորամասերը դանդաղորեն առաջ են շարժվում դեպի երկարաձիգ ու անելի դժոխսային միջանցքը: Թշնամու կողմից ոչ մի շարժում չի նկատվում, ոչ մի շշուկ չի լսվում, շրջապատում մահասարսուռ լուռություն է տիրում: Ճվ ելք կարմիր բանակը իր ամբողջ կազմով գրոհում է միջանցքի ծոցում հանկարծ, անսպասելիորեն սկսում են ճարձասելի գնդացիները, ահեղագող մոնչում են թնդանոթները ու լսվում անընդհատ պայթող հրացանների կրակոցները: Կարծես ողջ բանակին շորս կողմից իր գիրկն է առնում հրաբխի խառնարանից դուրս ժայթքող հրաշունչ լավան և սպառնում մի ակնթարթում ամեն ինչ ոչնչացնել:

«Մեր բանակի շարժման սլաշմաններում նահանջելը անհնարին էր, և իսկապես, այդ մասին ոչ մեկը չէր էլ մտածում: Ը. Ի. Կովտյուխը իր մոտ է կանչում Գ. Ա. Հովսեփյանցին, որի հրամանատարությունը տակ գործող էսկադրոնը մեծ մասամբ Արմավիրի հայերից ու սերբերից էր կազմված, և հրամայում է ինչ գնով էլ լինի ձեղքել թշնամու շղթան, անցնել նրա թիկունքը ու մահացու հարված հասցնել: Հովսեփյանցը, ինչպես հերոսին է վայել, կտրուկ շարժումով անցնում է առաջ, թուրք պատյանից դուրս է քաշում, բարձրացնում գլխից վեր, արագ իջեցնում է կզակի հավասարությունը և ուղղահայաց դիրքից փոխադրելով հորիզոնական դիրքի համբուրում: Մարտիկները մի մարդու պես կրկնում են իրենց հրամանատարին: Տիրում է ակնթարթային լուռություն: Դա հալ մարտիկների երգումն էր, որով նրանք խոստանում էին հայրենիքի հանդեպ իրենց պարտքը սրբությունը կատարել:

Հովսեփյանցը մերկացրած թուրք գլխից վեր բարձրացրած առաջ է նետվում:

Էսկադրոնը մի մարդու պես հետևում է նրան, էսկադրոնի առաջին շարքը ոչնչանում է թշնամու խաչաձև կրակից, սակայն հայ մարտիկների գրոհի թափը դրանից չի թուլանում: Նրանք կրկնապատկված եռանդով, ոգեւորված իրենց քաջարի հրամանատարի օրինակով առաջ են սլանում և թշնամուն թրատելով կամ ձիերի ոտքերի տակ ճզմելով խառնում նրանց շարքերը ու դուրս գալիս թիկունք:

Արմավիրի հայ հեծյալները, իրենց անվահեր հրամանատարի գլխավորությամբ, սրբություն կատարեցին սովետական հայրենիքի հանդեպ ունեցած իրենց պարտքը, սառույցը հայ հեծյալների փրփրաբաշ ձիերի սմբակների տակ անդառնալիորեն ջարդված էր, նեղ միջանցքը գրավված. Արխիպո-Օսիպով-կայից դեպի Տուապսե ճանապարհը Թամանյան բանակի առջև բոլորովին բաց էր: Վրաց մենչևիկների տակառները ցանկանում էին փրկել այն ինչ արդեն անհուսալիորեն մահվան էր դատապարտված: Սակայն շատ շուտով Պալտավյան էսկադրոնը Ի. Կուկսի հրամանատարությամբ վրացական մենչևիկյան գնդի հետ կովի է բռնվում, նրան գլխովին ջախջախում ու դերի վերցնում:

Թշնամու շարքերում խուճապը կատարյալ էր: Այդ ահավոր մարտում նրանցից շատ քերը կարողացան ազատվել ու ապաստան գտնել ծովում կանգնած իրենց հովանավորների հրկու նավերում, որոնցից մեկը կարմիրների թնդանոթների դիպուկ հարվածից գնում է ծովի հատակը, իսկ մյուսին հագիվ հաջողվում է հապճեպ հեռանալ ու ճողոպրել վերահաս վտանգից:

5 Ա. Խ. Ֆ. Ե. Դ. Ի. Ն. Հովսեփյանց, հիշողություններ, Արմ. գավառագիտ. թանգարան, ձեռագիր, էջ 3:

Հովսեփյանցի այդ ճակատամարտում մատուցած ծառայությունը անգնահատելի է. ՁԵ. Ի. Կովտյուխը, — գրում է Ա. Խ. Ֆեդինը, — գնաց զեպի Հովսեփյանցը, որի ձին երեք գնդակով լիբրավորված էր, սակայն իրեն պահում էր մարտական վիճակում, զրկեց նրան, համբուրեց ու ասաց. Բնկեր Հովսեփյանց մեր երթի առաջին հերոսական հաղթանակը պատկանում է Ձեզ, քո էսկադրոնին և այն բոլոր ընկերներին, որոնք գնացին քո ետևից: Այդ հաղթանակով մենք հպարտանում ենք և ոչ ոք, ոչ մի ժամանակ այդ շի մոռանա՞:

Երկրորդ խոշոր ճակատամարտը, որը մղել է Թամանյան բանակը, հանդիսանում է Տուապսե քաղաքի ազատագրման համար մղված խոշոր մարտը: Այս ճակատամարտում նույնպես մեծ դեր է խաղացել Գ. Ա. Հովսեփյանցի ղեկավարած էսկադրոնը, որը թշնամուն խփել է քաղաքի հյուսիս-արևելքից և առաջինը մտել Տուապսե: 1918 թ. սեպտեմբերի 1-ի Տուապսեն սպիտակ բանդիտներից բոլորովին մաքրվում է:

1926 թ. փետրվարի 20 ին Կրասնոգարի կուսակցական Երկրկոմը, ի պատիվ Թամանյան կ. բանակի, հուշերի երևի ու է կազմակերպում: Այդ երեկոյին ներկա են գտնվում բաղմաթիվ թամանցիներ՝ Ե. Ի. Կովտյուխը, Գ. Ն. Բատորինը և ուրիշ բաղմաթիվ հրամանատարներ: Երեկոյում ելույթ է ունենում Թամանյան բանակի հրամանատար Ե. Ի. Կովտյուխը: Նա առանձնապես կանգ է առնում Տուապսեի գրավման, և միևնույն ժամանակ այդ օպերացիայում Գ. Ա. Հովսեփյանցի կատարած քաջագործությունների վրա, ասելով. «Պալլոգրադյան գնդի հեծյալները անցում կատարեցին ծովեզրյա խոր ձորի միջով, որը իրենից ներկայացնում էր մի նեղ քարքարոտ հեղեղուտ և առաջինը ներխուժեցին քաղաք (Տուապսե — Ա. Ա.)»:

Վառոդի ծխով թրծված երկու անբաժան ընկերներ էին Հովսեփյանցն ու Սոդոնովը, որոնք ամեն տեղ և ամեն զեպքում իրար լրացնում էին: Հովսեփյանցը առաջնորդում էր Պալլոգրադյան գնդի հեծյալներին, իսկ Սոդոնովը ամբողջ գնդին: Այդ գունդը Թամանյան բանակի ամենամարտունակ, ամենախիզախ զորամասն էր:

Բանակի մարտիկների հիմնական կորիզը կազմում էին սեծովյան նավաստիները և Կրասնոգարի երկրամասի հյուսիս և արևմտյան ծովափնյա շրջանի տարբեր վայրերում ցրված կարմիր բանակային զորամասերը: Բանակի հրամանատարն էր սեծովյան խիզախ նավաստի Մատվեևը, նրա տեղակալը՝ Ե. Ի. Կովտյուխը: Երբ Կովկասյան բանակի հրամանատար զավաճան Սարոկինի կողմից Մատվեևը նենդաբար գնդակահարվում է, Թամանյան բանակի մարտիկների կողմից հրամանատար է ընտրվում Ե. Ի. Կովտյուխը:

Թամանյան բանակը իր առաջ խնդիր էր դրել, ինչ գնով էլ լինի միանալ Հյուսիսային Կովկասյան կարմիր բանակի հետ, որի կենտրոնը այդ ժամանակ գտնվում էր Պյատիգորսկում: Դրա համար էլ նա Թամանիդ, երթի էր դուրս եկել զեպի Արմավիր: Թամանյան բանակը իր երթի ճանապարհը հաղթանակներով է պսակել, անցնելով շափապանց մեծ տարածություն, որը ձգվում էր Սև ծովի ափերից մինչև Արմավիր:

Այդ ճանապարհը, որը կազմում է շուրջ 260 կմ ձգվում է խորը կիրճերի, բարձրաբերձ լեռների, մութ անդունդների, կուսական անտառների ու արագա-

6 Նույն տեղում, էջ 4:

7 Նույն տեղում, էջ 5:

հոս գետերի վրայով: Հաղթարշավը սպիտակների հետ հաճախ կրկնվող մանր ընդհարումներով շարունակվել է մինչև Կուրդաննայա կայարանը: Կայարանի շրջակայքում տեղի ունեցած ահավոր մարտերում Պավլոգրադյան գունդը խոշոր կորուստներ է տվել: Այդ կռիվներում հերոսի մահով նահատակվում է զնդի հրամանատար Վ. Սոզոնովը: Լեծ կորուստ է կրում նաև Հովսեփյանցի հեծյալ էսկադրոնը: Սակայն, չնայած այդ բոլորին կարմիրներին վերջի վերջո հաջողվում է ցիր ու ցան անել ղեկերալ Պակրովսկու բանդաներին ու գրավել կայարանը: Գունդը շատ շուտով բուժում է իր ծանր վերքերը, ստանալով մարդկային, ռազմատեխնիկական ու սլաշարեղենի անհրաժեշտ համալրումներ: Նահատակված Սոզոնովին փոխարինում ու զնդի հրամանատար է ընտրվում Հովսեփյանցը: Հետագայում, երբ գունդը վերակազմվում ու դառնում է բրիգադ նա արդեն բրիգադի հրամանատարն է:

Մոտենում է հարազատ Արմավիրը ազատագրելու ժամանակը: Թամանյան բանակի զորամասերը քայլ առ քայլ մոտենում են Արմավիրին: Երկաթուղու Արմավիր 2-րդ կայարանի շրջակայքում են կենտրոնանում Թամանյան բանակի զորամասերը, որոնց թվում և Հովսեփյանցի հեծյալ բրիգադը: Ինչպես միշտ, այստեղ էլ թշնամու վրա առաջին հարձակվողը լինում է անվեհեր Գևորգը. չէ որ խնդիրը վերաբերում է Արմավիրին... «Մեկ էլ հանկարծ տափաստանը ծածկվեց փոշու ամպերով, սուսերամերկ ու սրարշավ առաջ սլացող մարտիկների ահեղագոչ «ուռան» ականջ էր խլացնում, իսկ նրանց առջև՝ մերկացրած թուրր ձեռքին սլանում էր մեզ ամենքիս սիրելի Հովսեփյանցը... և քիչ անց իրենց քաջությամբ հռչակված Կուրանի կաղակները սարսափահար փախչում էին... Արմավիրը ազատագրված էր» — պատմում է նախկին չեկիստ, այժմ թոշակառու Սայադյանը:

Արմավիրի ազատագրումից հետո Թամանյան բանակը, որպես ռազմական առանձին միավորում, դադարում է գոյություն ունենալուց: Նա վերջնականապես միաձուլվում է Հյուսիսային Կովկասյան բանակի հետ և Ստավրոպոլը ազատագրելու համար ուղղություն վերցնում դեպի Նիվինոմինսկի: Ստավրոպոլի մատույցներում տեղի ունեցած մարտերի ժամանակ Հովսեփյանցը ծանր վիրավորվում է և երկար ժամանակ պառկում հոսպիտալում:

1918 թ. նոյեմբերի 25-ին հեծյալ բրիգադի հրամանատար Հովսեփյանցը Ստավրոպոլի ազատագրման ժամանակ ցույց տված անօրինակ քաջագործության ու հերոսության համար պարգևատրվում է Մարտական կարմիր դրոշի շքանշանով և միևնույն ժամանակ Ստավրոպոլի քաղաքային ուղեւորի գովասանագրով:

Նոյեմբերյան եռօրյա մարտերից հետո Հովսեփյանցին հաջողվում է ամսի 29-ին սպիտակներից ետ խլել Ալեքսանդրովկա գյուղը (Станица) և դրանով էլ, թեկուզ ժամանակավորապես, ապահովել դեպի Պրիկումսկ (նախկին Ս. խաչ.) նահանջող կարմիր զորամասերի թիկունքը:

«1918 թ. դեկտեմբերի 5-ին 11-րդ բանակը (նախկին Հ. Կովկասյան բանակ), հրաման ստացավ նահանջել դեպի Պրիկումսկ, այդ նահանջին որպես արիերգարդ մասնակցում էր Հովսեփյանցի հեծյալ բրիգադան»⁸:

⁸ Ս. Պ. Գ ո Ր Ո Վ, Հերոսական երթ, Մոսկվա, Զինհրատ, 1963, էջ 117:

Պրիկումսկում Գ. Ա. Հովսեփյանցը հանդիպում է Արրահամ Մատվենիչ Կալաբեկովի հետ⁹:

Ստավրոպոլում հրատարակվող «Ստավրոպոլ» դրական-գեղարվեստական հանդեսը Ա. Մ. Կալաբեկովի մասին գրել է հետևյալը. «Արրահամ Մատվենիչ Կալաբեկովը ծնվել է 1883 թ. Ս. խաչ (СВЯТОЙ КРЕСТ), այժմ Պրիկումսկ գյուղադարադարում, չքավոր գյուղացու ընտանիքում: Նա 1917 թ. Ս. խաչի բոլշևիկյան խմբի կազմակերպիչներից մեկն էր: Հետագայում ակտիվ մասնակցություն է ունեցել Մերձ-Կուսակում կուսմիր գվարդիական ջոկատների կազմակերպմանը: Ընտրվել է գավառային Իործադիր կոմիտեի և գավառային արտակարգ հանձնաժողովի անդամ: 1918 թ. Արրահամ Մատվենիչը, որպես չեկայի կոլեգիայի անդամ հայտնաբերել ու լիկվիդացիայի է ենթարկել Նովո-Ռոմանովկայի, Ուրաժայնիի, ձախափնյա Կուսակի, Արխանգելսկի և Վորոնցովո-Ալեքսանդրովոյի հակառակույցիոն խմբավորումները:

«1919 թ. սկզբներին, երբ Կարմիր բանակը նահանջում էր Աստրախան, Կալաբեկովը որպես ջոկատի հրամանատար և Ս. խաչ քաղաքի պարետ, բանակի նահանջը քողարկելու նպատակով ղեկավարում էր նրա մատուցներում մղվող մարտերը: 11-րդ բանակի Աստրախան նահանջելուց հետո Կալաբեկովը աշխատում էր Կ. բանակի քաղաքական և հրամանատարական պոստում: 1920 թ. նա մասնակցել է Կալմիկիայի ու Խերեքի մարզերի հակառակույցիոն բանդաների լիկվիդացիայի գործին»¹⁰:

Ահա այն փառավոր ուղին, որը անցել է Արրահամ Մատվենիչը սովետական իշխանության և Հոկտեմբերյան սոցիալիստական մեծ ռևոլյուցիայի առաջին օրից մինչև նրա հաղթական ավարտը:

Արրահամ Մատվենիչ Կալաբեկովը այժմ 81 տարեկան, չափազանց աշխույժ կենսաթոշակառու ծերունի է: Նա Ստավրոպոլ քաղաքի պարտիական, պետական ու հասարակական կազմակերպությունների անդամ է:

Ահա հայ ժողովրդի այս արժանավոր ղավակի հետ է, որ Հովսեփյանցը հանդիպում է Պրիկումսկում, բայց նրանց ծանոթությունը երկար չի տևում, որովհետև Հովսեփյանցը որպես նահանջող բանակի հրամանատարներից մեկը ստիպված է լինում շարժվել դեպի Կալմիկիայի ավազուտ տափաստանները:

Հովսեփյանցը իր կյանքի փառավոր դիրքը փակել է Աստրախանի ճանապարհին, երբ 11-րդ բանակը 1918 թ. վերջերին, բանակի հրամանատար դավաճան Սարոկինի հրամանի համաձայն նահանջում էր Կալմիկիայի տափաստաններում թշնամու գերազանց ուժերի ու սննդամթերքի պակասության պատճառով: Ծանապարհին տեղի ունեցած անհավասար մարտերում Հովսեփյանցը ինը տեղից վիրավորվում է, բայց չի հեռանում իր մարտական ընկերներից¹¹:

9 Կալաբեկովը բնիկ Պրիկումսկ (նախկին Ս. խաչ) քաղաքից է, այժմ ապրում է Ստավրոպոլում, իսկ միակ աղջիկը, իր ամուսնու հետ, Սրեանում:

10 «Ստավրոպոլ» գրական-գեղարվեստական հանդես, № 2, 1957, էջ 55—56:

11 Մանոթություն — Ա. Խ. Ֆեդինի կարծիքը Հովսեփյանցի մահվան մասին հիշտ չէ: Սալաղյանը ասում է, որ «են 1920 թ. նրան (Հովսեփյանցին — Ա. Ա.) հանդիպել եմ Սրեանում, գրկախառնվել ու համբուրվել հետը: Իսկ Ա. Մախասյանը իր «Սովետական բանակի հայ գործիչներ» գրքում գրել է, որ Հովսեփյանցը 1921 թ. դաշնակցական ավանտյուրայի ժամանակ ընկել է տխրահռչակ խմբապետ ղելի Ղազոյի տղաների ձեռքը ու սպանվել:

Ա. Խ. Ֆեդինը հետևյալ կերպ է բնութագրել իր մարտական րնկերոջը. «Հովսեփյանցը ոչ միայն քաջ ու համարձակ հրամանատար էր, այլ որպես մարտի մեծ նշանառու տիրապետում էր նրա բոլոր գաղտնիքներին: Նա երբեք չէր ցանկանում, թեկուզ մի րոպե հեռանալ իր գնդից: Նա շարունակ կրկնում էր. «Թողեցիր գունդը, կորավ գունդը, ազատ օդում բոլոր վերքերը բուժվում են»: Հովսեփյանցը իր ստորադասյալների, մանավանդ շարքային մարտիկների վերաբերյալ առանձնահատուկ ու սրտագին ուշադրություն է հանդես բերել: Նա միշտ ասել է. «Երբ մարդիկ կուշտ են, ձիերը կուշտ՝ երթից չեն վախենա: Վատ ձի հեծած մարտիկը — վառարանին թառած պառավը քեզ օրինակ»: Հովսեփյանցը անհաշտ պայքար է մղել այն մարդկանց դեմ, որոնք զբաղվել են թալանով կամ կողոպտել են ժողովրդին: Նա միշտ կրկնել է «մաքուր ու վոլյուցիոները ավազակ չէ»¹².

А. Г. Арханян

ГЕВОРГ АНТОНОВИЧ ОВСЕПЯНЦ

Р е з ю м е

Гражданские войны, начатые после Октябрьской социалистической революции, охватили не только обширные территории царской России, но и ее окрестности, в том числе и Северный Кавказ, где, сосредоточиваясь, антиреволюционные царские генералы и казацкие атаманы хотели в крови задуть молодую советскую власть.

Трудящиеся Северного Кавказа, в том числе и Кубани, с оружием в руках стойко защищали советскую власть. В битвах за освобождение Армавира активное участие принимал командир кавалерийского полка Таманской армии Геворг Антонович Овсепянц.

В данной статье рассказывается о боевом пути Г. А. Овсепянца, пройденном в годы гражданской войны.

¹² Ա. Խ. Ֆեդին. Հուշեր Հովսեփյանցի մասին, էջ 6: